



9089

斛山楊先生遺稿卷之三

七言古風

題雲津書屋

江南書屋號雲津千卷萬卷皆非新讀書誰解書中
意我識劉氏家傳真積德先世有賢哲認得孔顏不
是貧開基不肯買附郭惟以典籍貽後人精一肇自
唐虞初此是古人心上書後來讀者失其要一生辛
勤類蠹魚人心原是書之本會尋真趨便能虛心書
與道相忘處身居天下之廣居吾聞陋巷顏氏子耕
莘伊老翁學發孔聖蘊德與昊天同道業千年昭宇

宙孰非昔人讀書功繼述遠將源流挹獨立今見水
部公匡時不恤觸危機振拔真有古人風正氣雖由
衡嶽降脩爲要自雲津中秦中鄙人願學步蔓草安
得比長松嗟我東南有心事耿耿日夜望蒼穹

聖恩詔許釋狂罪扁舟同過呂梁洪隨君得拜雲津
下豁然開我此心蒙

送董允恭出獄

我送允恭出獄墻徘徊別意各悽愴來逢易水波濤
險去見燕山草木黃子之故人周給舍同於幽難久
備嘗迪已不肖甘流俗論治必欲尚先王明哲保身

雖未得懷此赤心良可傷子實聰明心好古聞其講
說輒傍徨我抱困病足如馱睠念時來顧卧傍從今
別去消息杳窘迫相與永難忘三尺禁網脫身去一
片襜褕到長江有手但執瓦缶物有足莫走聲利場
世間勞麗一染着能令耳目充無光丁寧告爾復丁
寧此真全身全性之周行吁嗟允恭既去矣送子行
行復行行回看世故總茫茫留子露冷風涼夜漸長
園士送別次巽峰韻

秦山越水各東西多難相逢慰我思握手不堪忽別
去還將夙願與君期我思故人不可見顛沛終能慎

所之翻覆眼底都忘却曠然一笑破愁眉幾微常向
靜中察立身難最解真順多歧荆棘妨步履始知世
路有險夷百死一生淹歲序焚香日夜對包犧得君
開我心迷謬感說還惜邂逅遲困阨既非人自取各
安天命復何疑他年如得走閩海釣臺高處揖岐嶷

雜作

君家有酒酒頗酸壺筭不輕寘篋莞昨日偶侍几席
側一罇將來啓大觀世人往往喜黃流豈知酸味是
仙丹平生歲月酩酊裏况此狂狷風雪寒要向酸中
通大道茹飲畧不以爲難安得滌腸酌大斗免吾觸

眼日常嘆人飲未能成消滴我飲必須瓦缶乾人飲
不覺眉頭皺我飲胃中天地寬世上酸苦任他入方
能擴盡此心端酒中酸味真能解勝將周易日空看
君不見滄海茫茫總無涯納盡人間萬頃湍

雜作

一日未到官屋中恰如十年不相逢周行未得言提
耳索居孰啓我心矇問君何所事古訓日研窮室內
燈杳杳窓外月彤彤更深人靜後朗誦徹蒼穹尚書
萬古獄中授周誥殷盤已貫通常編不知今幾絕遠
慕羲文周孔風媿我全無亨困意衰年未見養心功

斛山道稿卷三

八

三

常將一段鬱抑氣嗔作雲間千丈虹憂時慨世心獨
切半偏深病半消融而今願從君子謀示我脫然登
岸頭藉此福堂尋上去莫教空負兩年囚思量此疾
爲心患世間惟有酒能瘳昨聞几上罇猶在半實還
是舊黃流午間准擬來相訪便須勞君酌大甌但論
濁賢清是聖何恤瓶罈作墨羞長歎直到枯腸底一
沈胃中萬古愁

七言律詩

贈泰和劉洗心秀才二律洗心兄晴川翁同子

繫徽洗心自泰和奔來問賦此以慰之

諫草傳來自可驚，倉皇策馬上燕京。一腔忠蓋君臣義，萬里風霜兄弟情。日邁已能扶世道，月征真不愧天明。江南鞞鞞看棠棣，春雨春花已滿庭。
學問須先會洗心，洗心於道最能深。仁義英華成事業，廟堂根脚自山林。祖先原委家傳遠，兄弟芳名世所欽。得志知君存素履，豈同流輩但簪纓。

春日

誰家煙色鎖樓臺，隱隱桃花將半開。雲際點空鴻鴈去，園堦掃地谷風來。天機消息由人尚，物運盈虛與化推。心日洒然塵世外，誤看圖圖作蓬萊。

奉和春興八首

纔見春光轉上林，錦臺微冷尚蕭森。風回薊野有時急，霧隱燕山盡日陰。燕語鶯啼園內景，江湖廊廟老來心。更遠還有愁人處，門內柝聲門外砧。

疎窓照日影初斜，可柰囚居此歲華。傳世從來無赤手，通天空憶有浮槎。依依遙見城邊柳，儻儻忽聞塞上笳。詩句謾成還有用，將來幽地賞春花。

共坐園門向日暉，開襟更覺暖風微。葵生已露根頭品，鴻漸還成天際飛。將此孤懷頻點檢，肯教素步自相違。紛紛無柰爭春物，綠幹紅芳一樣肥。

三載艱危嘆白頭，
可堪吾志在春秋。
自憐賈誼一腔淚，
空作張衡四段愁。
適意時看墻下草，
奮飛終愧水邊鷗。
美人踪跡今何在，
杖柱猶存古雍州。

認得西銘如下棋，
茫茫宇內盡堪悲。
顧予顛沛真無似，
空惜盈虛自有時。
燕羽輕風還翻翻，
春暉驚眼又遲遲。
艱難惆悵懷千古，
采采榛苓是所思。

十年佳趣在青山，
瀟灑襟懷出世間。
心上一真原未泯，
眼前萬類總相關。
緬懷周道今何事，
寤寐哲人多厚顏。
歸去再尋千古上，
耕莘老叟與同班。

斯文千古是誰功，
由彼陶唐立大中。
措履敢從浮世

好幾微深愧古人，
風衢連柳過園墻。
綠苑隔桃侵屋宇，
紅潦倒還思涇渭上。
絲綸閑釣有漁翁，
山連薊北見逶迤。
小徑通天傍險陂，
隱谷長蔓多細草。
懸崖短幹少松枝，
習浮鷗子隨波逝。
憇樹牧兒逐影移，
老去登臨無健力。
白頭空惜此低垂。

奉和初夏韻二首

不教閑慮在胸中，
便與長天一樣空。
信步躋來皆樂地，
開襟滿抱是薰風。
庭前柏色拂雲綠，
墻角葵花向日紅。
更有一般好景象，
應時黃鳥嘯幽叢。

日上園墻景寂然，
老囚於此尚安眠。
好懷還有四時

興世故全無一念牽羈米煮從沙釜裏詩書堆在枕
衾邊何翁若解吾真樂日食何須破萬錢

奉和初夏聞雷韻

東風吹得乾坤解雷雨作於初夏時田畯暫停南畝
勸漁翁應罷水邊絲檢身吾戴囚冠坐宥罪孰為天
下悲此日鄉關千萬里有人勤誦召南詩

奉和遷榻韻

千載潛身一草茅興來誰意向芳郊六經愚腐散塵
几三徑荒涼卧竹稍垣寂秋深風落果梁闌春到燕
啣巢衰年至此真無似儘把踈狂任世朝

次緒山韻五首

閑棹一旦會消融驟雨驚風過大空隱顯從心無上
下險夷信步有西東感來定擬初張弩應罷還如未
叩鐘浩浩霄壤多少事真機都在卷舒中

雙鶴飛來園樹稍看他春到便啣巢顯庭常若儼賓
際幽世必須藉白茅心果合天真浩浩狂非作聖但
嚶嚶會教身世全無我方寸纔能免物交

莫道幽居心可欺格思便有鬼神知還看處處玉吾
地敢不時時慎所為要走長途須健步能除深病是
真醫誰言岸遠難先到只在人心一轉移

眼底紛紛變態多，誰憐世道日頽波。百年事業真難措，半隙光陰亦易過。川上月臨懸細餌，墻頭雨倒整煙蓑。樂遊却恐歸豪放，渣滓須先向此磨。此心常要擬虛舟，虛得能將萬物收。後樂不妨隨地樂，先憂豈但爲身憂。也知步履須臾用，却笑踈狂真妄投。齟齬方圓成感慨，徒懷擊楫在中流。

端午用杜工部韻

半室還如天樣寬，詩書聊此與君歡。漢廷可少賈生淚，晉繫應憐楚客冠。舉世從今蒲酒樂，普天懷古汨江寒。千年屈子心如在，角黍將來此地看。

遣懷二首用杜工部韻

數片殘磚閣睡床，顛危知是舊周行。時嚴舜跖兩條路，日誦羲文一炷香。心健自能忘迹，榻閑猶可擁衾裳。襟懷還有瀟然處，每向南風歌興長。

夢想丘園孰與班，秦中涇沚傍商顏。百年須係閑中罷，一曲長歌日暮還。月朗風清皆自得，鳶飛魚躍在其間。茅齋却笑堪人意，正對南山倚北山。

端午節

園中佳節喜相尋，况有良朋與合簪。蒲酒且同今日樂，角盃因見古人心。憂時未恤身危久，宥罪還思

恩詔臨此日密雲成驟雨似傷屈子淚淋漓

聞緒山出獄

思君不見日三秋忽聽西園

恩詔優承志絲衣應有分倚門白髮可無憂廟堂事
業成虛語聖學全功早自收待我酒回聞海淚衡南
握手與同遊

贈人

種德美君能有終皇天日錫慶無窮膝前稚子風神
秀堂上雙親福壽隆共誰聲吞千古上更留惻切萬
方中幾迴遇別此何地惆悵乾坤眼底空

夢浦竹塘

去歲茲辰長別我今霄夢裏再相逢醒來想像音容
杳雙淚空流老眼中姓斑青史心猶在身葬黃泉事
已終雨洒風吹永難盡總爲人世恨無窮

夢陳寮

十栽燕京做客鬼今宵入我夢中歡孤兒總髻頭角
秀老母痛如心上剗郊外點香人共送墓門啓柩衆
同看親朋哭汝靈車罷各贈青錢紙數竿

送同鄉王大尹出獄

患難相逢此月秋不堪君去我還留丹心廊廟千年

慮白首江湖一念憂窓隙爲增薄裳冷析聲偏動旅
囚愁有時

聖主洪恩詔渭水相將理釣鈎

有感

夜初獨坐擁衾裳耿耿丹懷空自傷斜月淡光穿暗
戶晚風微冷透晴窓一心知有君恩厚九死難回
忠義腸漏下旅囚愁不寐數聲寒鴈送淒涼

遣懷二首

寤寐今猶懷趙子眼看錢子又將行同心良友匆匆
去不盡閒愁種種生桎梏逢時風露冷園階送處雪

霜清憂虞二載忽分袂而我安能已此情

與君同難兩年分至道常期日以新時講盡忠兼盡
孝共成爲子與爲臣園中歲月杞人老天外風塵世
露溼耿耿每懷無限思明朝有感向誰陳

謝人

勞人兩遇北風侵白日豈堪鐵戶深天下自無鬼神
謬人間誰是丈夫心顛危每抱忠和義慷慨常思古
與今寫此新詩傾至意多君別淚滿衣襟

自念狂愚速罪深多君勤爲我懷音而今指日將分
袂說起常時淚滿襟暫共苦寒向爐火難忘炎暑坐

西陰送行縱有詩千首不盡離愁一點心

與晴川飲用杜工部韻

十年遊樂有山溪堪笑功名一旦迷身世三春留狂
狴夢魂五夜到秦西養心幸得逢良友披卷還須作
筌蹄墻上半罇清酒在與君同要醉如泥
幽園無處訪清溪幸有高人落我迷共坐欵襟還共
起堪東隨步又堪西百年心事羞輪蓋一日風塵陷
馬蹄寄語西臺同志友老狂依舊醉如泥

述懷

禁裏東風覺漸和背陰殘雪果無多眼前楚楚蟬蛸
羽心上悠悠擊壤歌道義無窮須共勉時光有限莫
蹉跎遙將佳趣問良友鴈過長空興若何

贈人

困裏逢君一月春同方不覺自相親文章早已添聲
價德義猶思與日新有意動時成性僻未安心處是
吾真必須俯仰先知愧然後能為無愧人

詔嶽言別

逢君傾倒此衷誠追憶平生契合情心為綱常千古
重言因忠鯁一身輕同來被逮春光暖此去垂綸波
水清千里神交勞夢寐蒲臺曉月見高明

遺懷

帝編自伴倚幽牕世故年來頗會忘
百代人豪空宇宙半丘荒草照斜陽
孤懷耿耿幾長夜蓬髮瀟瀟一老狂
曳杖庭階徒想象路遠無處問滄浪

閑作四首

斯道瀰漫貫古今幽牕正好整囚襟
毫釐乖謬天機遠一念虛明上帝臨
禮用事時為復禮心懲失處見真心
存忘操舍皆由我默默須從方寸尋

叅破乾坤古與今一憂一樂見曾襟
鬼神不爽幾微監幽室常如師保臨
君子固窮吾未得哲人自靜彼

何心包義不盡當年意還須此地好相尋

思古原來為挽今國民惻惻此曾襟
致身臣子曰忠蓋為蒼天王之智臨風
摧霜剝今日事江湖廊廟往年心天乎
命也難窮極一息還從真處尋

自古遭逢未有今空茫宇宙見曾襟
孤鳥走走聲聲叫雲雨朝朝暮暮臨
輸已應知郭泰慮濟時還識范滂
心感來感去真機在纔知此理不易尋

懷緒山先生

携手分離不再逢幽中常憶往年冬
馬牛顛沛風塵迥童冠逍遙江渚溶
人品豈非黃叔度氣根應似郭

林宗相違嘆此園牆外更有關山千萬重

贈人二首

未能會面結良晤但信一心定合簪天罪老夫宜岸
獄人文君子化湏南道兼朋友生來伍事有當官幹
者三相信相離徒想像只教今日更難堪

周道陰濃揚柳風行行不必嘆窮通思君每有交情
厚愧我全無補袞功但說天邊一訊別敢去林下再
相逢千年楚客心何壯耿耿令人切寸衷

送曹子儀作縣平遙

昔日治郡功誰最卓邵遺風世所欽古謂聖人皆可

學豈於君子讓之深荒陬疾苦懸思慮直道斯民貫
古今化此平遙無巧法存吾一念至誠心

有感

天涯風景又將秋想像西周已古丘萬里鄉關驚旅
夢百年身世嘆幽囚披懷有慮成虛迹觸眼無窮是
隱憂解得古人行邁意知吾於此更何求

今日夜將曉夢過原次寮隱居賦詩二句爲次
寮贈即覺續後六句足成一律乙巳年六月初

十日

莫道山林無可樂隻鷄斗酒有餘情
夢中得覺來却

是園窓夢卧聽燕山杜宇鳴幽縲縛我家何在世事
令人身自輕一枕黃梁心未了長天目斷片雲橫

和聯翁看花詩

紛紛眼底今何時悶到還看此數枝欲向花前發浩
歌飄然未入古人思雨多雨少顏如故風去風來根
不移安得此花知世事常開聽我賦新詩
看花不厭往來頻花色常從雨後新赤白總非由外
作卷舒端是露天真自羸狂側七門鎖却少坊間一
樣塵此地看花關世道後來還有好看人

端陽節次聯翁韻一首

幽居幾度過端陽萬里關河隔故鄉龍舟扮出湘江
恨艾草還爲人世芳幾段角團隨俗好一尊綠酒帶
蒲香離騷歌罷渾無事真箇園庭是福堂

看花次聯翁韻

惹得詩人有所思爲憐墻下兩三枝孤忠暗與赤心
合直榦應看白首宜戲蝶遊蜂閑作伴朝雲暮雨漫
相滋寄語少年休浪采要留真品接東籬

雜詠五首

閑步幽堦伴夕陽塵埃眺望總無疆風吹古柏棲鴉
亂雪掩寒山狡兔藏半世生涯真類夢幾年毛髮已

成霜憑誰再取新春酒日放長歌任老狂
獨倚園扉對日斜緬懷松竹已成賒迷途豈但千程
遠脚步空留百代嗟時繫鉄鐐甘罪戾漫吟風景是
生涯殘磚閣火燒沙釜也類山村野店家
有脚陽春到處通金吾氣色轉寒松壯心迫出存忘
外殘魄逍遙化理中寂感曾懷驚歲月孤危踪跡倚
蒼穹羊裘一片隨朝暮興與雲山野老同
濡險悠悠歲月頻強延一息又逢春天空斜日鴈留
影地扃煦風草弄新內聖外王同貫合身謀國計總
相因憂懷轉作元亨處此是人心一念真

天降阨窮浩無垠金吾榷鎖伴儒臣久遭危患心猶
泰運轉亨機思欲頻要信樂天爲樂土須知憂世是
憂身有詩吟詠忘顛沛彷彿羲皇境上人

和太白山人韻三首

時來門外坐春腫世事紛游滿眼頻進退憂思今最
切江湖廊廟更何人循環泰運期三代展轉凶危此
一身却憶子牙清渭上釣竿投處有芳隣

晴暉薄干暖風細此地獨憐春更幽五夜露花新柳
色一番鴻鴈動江洲百年事業懸心切萬里瘡痍滿
眼愁堪哭襟懷潦倒際時看鳶飛半空遊

夜析忽驚鄉夢淺，破雲殘月照窓斜。寸衷不是杞人過，四海原爲天子家。雙鬢蓬搔老，囹圄一身寂寞又春華。憂心獨覺孔殷處，世故茫茫未有涯。

送李明甫

去年車檻過蘆溝，見爾卜居蘆岸頭。山秀堪宜連屋峙，水清恰好繞門流。四時家有瓶中粟，一卷心無意外憂。公事了尋遊，愁處幾叢喬木淡雲浮。

遣偲男歸秦

一簡別音到嶽中，令吾方寸日憂忡。感悲淚滴胷前濕，骨肉情關心上恫。萬里雲山形眇眇，幾年天道鑒

情，情遭逢至此，須安命。總是艱難，未有終

聞汝臨歸，血淚流，苦情都入我心頭。本爲世道千年慮，適到家門百口憂。幽地北風留父久，遠山寒雨重兒愁。

聖朝不意朱雲檻，終許殘生遂首丘。

見童子頭插苦菜花索觀之作二律

穠英彷彿類秋菊，先飽無涯春露滋。隱隱一般神色好，煌煌幾點化工奇。開來可伴囚中眼，採去能療天下饑。聞說牡丹多艷麗，讓他生長洛陽池。

真顏淡淡淡而穠，坐見百花色自空。惟有仰天傾白

日也堪隨地伴東風肯因薊野門前黑不向燕山雨
後紅但慮

聖朝寬我去無人解爾此奇容

奉和紫陽先生韻八首

省愆終未敢充人報國焉知已道真肯向遭時存外
慕但須臨難致吾身拙猷未可輕寒士迂恤曾何問
小臣莫謂幽圜同永夜

天王明鑒諒如神

歲歲年年一罪人戚懷未得了吾真日供糲米堪糊
口夜展羊裘足掩身塞上風霜寒將士天涯桎梏老

孤臣總然不計生和死觸目紛紛也悽神

思量宜是犴中人感動

君王恐未真十載每懷當世事一軀何惜老來身恩
深願作溝渠骨罪重難爲草莽臣此日存心都莫道
好將餘喘聽明神

艱危還作囚繫人之死難忘一念真長路奔尋吾舊
處滿門哭送此殘身風高吹冷遼東帽天遠愁勞杞
國臣却憶范滂千古上當年不祭獄中神

遠寄新詩勞故人爲吾點點見情真匡時樂道百年

志燕塞秦關萬里深綠水青山供逸士朝雲暮雨

以臣眼前光景真如夢一望天涯即損神
多難悠悠憶美人美人心興出天真早梅白駒山中
興雪夜扁舟物外身可少感懷抽逸思空教流淚惜
王臣采苓若到首陽下俯仰乾坤有鬼神
十年空擬白山人淺劣原非見道真祇有狂愚為世
損更無明哲以全身動踈自可遭羅網風好徒勞惜
諫臣三水伴中思伐木幽情轉覺一傷神
自笑率由異古人冥冥不解卷舒真無勞強於營千
慮有補何妨死一身用世總難輕涉世良臣誰願作
忠臣枉教晝旦空憂念百代虛盈屬鬼神

解山遺稿卷三

十七十一

劉子壽日

初度園中今四度白頭萬里杳江鄉瞻思夙夜九天
遠感惻徬徨一念長我輩元來多妄動

聖朝未肯殺忠良壽隆本自

君王造但把赤心儼對揚

乙巳年八月十二日

主上符鸞釋放後復拏至有感

忽憶去年今日秋犴狴同得荷天休暫歸故里觀三
徑傳播 綸音到九州

明主心無偏好惡小臣罪未了幽囚有時曠蕩

恩還下稽首遙辭五鳳樓

秋燕

寫寫深高罪未終思量安得此萍踪殘生久在天邊
繫世故都從眼底空漸覺秋風千路澁還看霜月萬
山紅願將國步與民瘼入我

皇王所照中

遣懷二首

俯仰乾坤此棘垣憂來倚杖步西園忘機雲外鷲猶
舞解意墻邊草欲言危懷總皆身外事脩爲但可默
中存感時悄悄心猶切難向他人開口論

斛山遺稿卷三

十一

寸心惻惻風塵迫千里迢迢世路傾但此深園銘上
帝肯教之死負平生鄉思漂泊天涯杳音信空聞寒
鴈聲不是君王違諫諍孤臣未有動天誠

哭李石疊

傳來凶訃自中州此地哭君欲白頭風雨幾番入夢
寐功名半世屬荒丘五年離別心猶在一代英豪事
已休空墮兩行憂國淚柩前一酒意無由

送人出獄

百年身世半塵埃四海斯文於此偕淹淹殘餘延旦
暮明明宇宙照心懷險需嘆我幽囚客弘濟知君匡

輔才感別自來情思切况逢多難在天涯

重陽節用杜少陵九日韻

處處重陽今日節年年身傍金吾臺風吹短髮囚中
冷酒破憂時懷抱開世上感多誰應少眼前暑去又
寒來丈夫一念真機在豈效牛山悲老催

題趙白樓寄詩次韻荅之

音問來從北海上故人遙向此相憐難將璞璧投幽
地可把長纓濯下泉我自福堂安桎梏君於陋巷誦
遺編死生窮達了無事不負男兒此百年

聞趙白樓復總兵贈之

文武俊才今再用一身萬里此長城詩書本自儒林
重韜畧復爲麾下驚采芑妙成敵筭壯揚旗時掃塞
塵清太常記我四夷守不說燕山山上銘

許由巢父二人皆唐堯時高士也與後世身陷
縲紲者相去不啻萬萬世傳許由食用一瓢食
畢掛瓢於樹間遇風有聲由惡之即棄其瓢堯
以天下讓許由逃去不受惡塵俗汚其耳洗于
河側巢父將飲犢下流惡其不能逃名晦迹使
人覘之而後欲避之謂洗耳水汚其牛口挽犢
於上流飲之其事皆未知有無昨夜夢入其廟

中見二人像欣然有感題詩壁上未就而覺乃
足成之甲辰九月二十二日書於獄中

遭逢世道是昇平高尚同將天下輕樹上歌捐風嚮
定耳邊污去水流清山中不換冕旒色積口惟飡芝
草英悒惚蕭然祠宇在塵顏羞見二先生

思故人

憶我西歸過爾家籬邊秋雨秀黃花百年溷債從頭
袖一日及情未有涯荷杖未耘秦隴草面身復泛孟
津槎傷懷更有難堪處驚出門前問檻車

送人

賓薦同登二十年便思宇宙在剛肩名從仕版朱行
列心向閭閻赤子懸雄展應知今世少清貧不讓古
人先功成准備隨琴鶴廊廟方收天下賢

寄田道充

二十年前我與君講求五典共二墳長安春酒隨豪
興旅館殘燈到夜分國淚應教知己酒直言難使後
人聞有時罪了歸山里醉宿閔鄉境上雲

送曹知府入關中

十年交道嘆浮萍咫尺人而今萬里情安我幽園老歲
月喜君閩越活蒼生旌麾過處山河秀劔氣衝來牛

十橫暇日要尋千古秘考亭一脉甚分明

贈洪百戶并序

守獄官洪百戶予下獄次年來獄中適事甚
洵懼人皆畏避未敢一見洪獨省問至於流
涕不能仰視數年間每思其厚今年正月洪
復來此追往慨今又至泣下作此贈之示不
忘

西風吹得家山者沈瀝騰成狂君陰天上本無神鬼
謬人間難有丈夫心艱危世事日憂切浩蕩君恩十
載深此日多君天下淚幾番為我濕衣襟

蒲山遺稿卷三

三

和大司馬際峯先生詩三首用其起句

席地簷前趁晚涼幽懷相與嘆流光思危自覺一心
折行遠空餘雙鬢蒼風景久成人慣習卷舒堪笑此
顛狂世間翻覆都休道只可堅吾百鍊剛

席地簷前趁晚涼逍遙不是傲羲皇鸞脩天亦憐吾
拙極溺人堪爲世忙興着野花呈艷好情閑幽鳥弄
笙簧生涯老去無長物一卷常編袖裏藏

和聯峯喜雨詩二首

共慶連朝雨頻是天臨下顯諸仁普施原野三農
慰一洒長空萬象新豐歲坐占八表咸放勲出自九

重勤從今喜得含生類沐我

皇王蕩蕩春

雨過幽中生意頻乾坤萬古此純仁彌天雲掩千峯
暗着地神施一樣新出險走防岐路滑歸田耕野老
農勤滌腸莫謂吾無樂自有家山石凍春

石凍春言平酒名也

春

逢君到此已三年日見園扉掩半邊照我寒衾共幽
榻隔窓白日與晴天千山秦塞音書杳一點孤懷空
自憐北徂鴈聲留慰切憶他曾過首陽巔

冬至

斛山遺稿卷三

二十三

氣轉初陽覺尚微強吾羸病掩園扉寂靜真源須探
取盈虛妙應自相依兩年長夜獨悲感一點丹懷孰
與欵邈想周文幽困裏先天衍作後天機

送人

共處憂虞冬復冬而今君去我誰宗風寒谷岸松猶
翠日淡城頭雪未溶杳杳鄉關幾萬里茫茫天地一
孤蹤安能將此別離淚一洒淋漓到

九重

· 早春二首

晴景初開淑氣端共看臘色已殘漫天邊轉眼流光

易困裏驚心世路難自嘆百年懷抱切還思一日
聖恩寬園中早覺春先到似恤累臣五夜寒

共把愁眉且放開喜看春臘再相推城邊煦景新堤
柳墻外香風帶野梅世運從今轉熙皞

聖恩不久自天來故園咫尺佳山在一日定遊三百
迴

次羅整庵老先生韻

嘉遯曾懷自浩然高風宇宙久相傳難兄難弟心同
好時止時行道未偏

明主歲勤優老意蒼生日望濟時權正看霖雨蘇天

下無柰丘園一念堅

除日二首

遙想去年此日新臘殘復見舊光陰慨時祇向人同
切抱痛誰知我獨深一片春暉成慘景數聲鳴鳥是
悲音眼前踪跡今猶在淚洒衾裳不自禁

幽纍屈指兩年餘還遇更新除舊時寒去今宵猶有
滯春來明旦總無私江湖廊廟人人樂柏酒椒盤處
處宜忽憶山林同守歲村醅一二老相知

元日次晴川韻

已遠昔年鷓鴣斑遙從犴狴仰

天顏形踪眇眇寰瀟下世故忡忡方寸間患難久憑
君德厚赤誠只自我心閑平生不洒身家淚兩眼今
爲天下潛

題碧泉用杜工部韻

樂饑襟度憶當年獨玩松溪此滴然共羨真源同石
髓誰憐清味遠瓊筵懸崖不憚千尋險放海還憑一
脉綿莫道冷冷無與伴主人日坐碧泉邊

病起述懷用杜工部韻

春日悠悠病已痊獄中再得數殘年天光遠照來幽
隙良友頻憐到卧邊無似懶將冊帙展有時還是倦

愁眠感懷骨肉應分念百口懸懸心在燕

聞次女亡

傳吾子秋去年亡凶訃一聞吾內傷姊妹云何相繼
死父親血淚洒園牆往時女訓動莊誦今日哭聲滿
屋堂雖我自言不過慟也應默默斷衷腸

次緒山韻三首

日轉庭簷春色光西園消息意微茫想君每動三秋
念笑我常懷一段狂往哲皆從脩性作世人誰是爲
身忙從今各記年前約只恐顛危心易荒

從來克己最爲難克去超過人鬼關水自流斯山自

止火何炎熱水何寒坐看百妄渾消盡便是一真向
此邊正見眉中好景象天光雲影半空閑
刻却紛紛俗務棒襟懷一片自天然行無非與纔成
性磨而不磷方是堅霽月想他何氣象光風忘我到
衰年洋洋滿目無停息誰向霄壤識秘傳

次緒山懷友韻

二年得與子相親不意知爲困裏身心在孰仁狂作
聖事求精義道通神化成品彙千山雨消盡寒陰一
氣春白髮從今還努力肯孤良友教諄諄

元旦

斛山遺稿卷三

二五

歲逢元旦覺春還桎梏年年在此間白日應湏點殘
雪浮雲但此繞燕山顛危喜見淳風轉變態纔知世
路艱西望壠埏遙跪拜三千里路是秦關

寄偲正月初二日

春闈消息久無傳說與兒曹莫涕漣
福
圖圖暫留今日

聖明定宥往時愆舍南舍北一天兩山後山前百畝
田收拾家中舊鋤耒侍吾歸老伴餘年

送紀中夫歸秦

與子同心二十年僧堂香火半爐煙正防步履三關

險却笑功名一線牽，囚繫艱危懷後進。衰殘寤寐仰前賢，歸來共了平生事。就此先期立志堅。

送桂道長出獄，又和其韻四首。桂名榮。

懶乘駟馬泛秋槎，去處適逢陶令花。五斗王臣皆有事，六經作用未爲賒。暫舒廊廟經綸思，且問江湖赤子嗟。試罷牛刀謁

帝主，還成禮樂數千家。

送出美人去，泛槎還從幽地賞。葵花每懷衛足猶有，在日抱傾陽誠未賒。數載斑毛羞懦弱，腐一生厄蹇半愁嗟。多君爲我心何切，天下斯文本一家。

蹇難還逢秋氣森，幽中無柰感時心。世路兩岐夷共險，人情一理古猶今。安危家念關河杳，生死

君恩天地深。十載釣儔應待我，烟策何日再相尋。

西風薄暮景蕭森，慷慨昔人折寸心。獨念愛身身係國，須知懷古古同今。一千七百日光遠，三十六宮易理深。常卷平生空皓首，畫前恍惚竟難尋。

送林張二都黃門掌科謫官出獄。

侍臣暫出五雲鄉，總是

皇朝恩浩滂。九品官非心上着，千鈞弩在甲中藏。幾

年忠疏流封內，萬里懸誠積

帝傍他日賜環承
顧問好將民瘼告

君王

謝人賜鷲米

十年分袂去燕臺
囹圄今同春酒盃
久難應教愁態
老逢君暫得好懷
開宜時化享秋曹
譽淳古風從海
岱回廊廟一朝思
舊績共看琴鶴覲
天來

送甥張禹卿

數載天涯客舍窮
憂心爲我日忡忡
淚添溽易流千
丈思斷鄉關幾
萬重莫道艱途
奔未了須知多
難德堪崇
惓惓望爾立身
早在此叮嚀八
句中

斛山遺稿卷三

二十七

雜詩二首

樂老襟懷孰與同
逍遙遠志鹿裘翁
百年佳趣庭前
訓一曲杖簫眼底
空共惜幽壘何日
解還傷吾道有
時窮
犴圍讀罷江湖詠
若在春風和氣中
共羨君家庭桂榮
豈知世路一難行
倚門鳩杖燕山
迥乘夜孤帆江水
清骨肉轉關心
上重浮雲自覺眼
前輕
新詩遠爲賢郎
切多是君臣父子
情

五言絕句

懷緒山五首

見爾停雲思孤懷
與欲飛仰天
然有意秋鴈正
南歸

不見緒山子年光忽四周隨風秋夜夢直到越江頭
宇宙相同意越江萬里深東方欲曙色畫角動悲音
江邊尋至樂回首覺憂思宇宙皆吾事心寧不在茲
殘犀食不足扁舟樂有餘北風如解意寄我常相思
病起三首

病起餘新興殘磚藉簡編不知從此後再得幾殘年
一片韓山石千年卧荒草峻嶒何所前落日牛羊道
南風乘隙入吹破幽人悶簷外鳥聲和一般成四韻
有感

乍雨噴聲歇開雲落影空滿懷今日意都付與東風

